

紅林格爾縣志草

胡若吉自注歷格爾縣志草  
一九八三年九月



預事諸君銜名

和林格爾縣政府主席

李樹滋



和托清視察員

王恩蔭

縣政府秘書處秘書

郭麟耀

縣政府承審處承審員

白雲峯

第一科科長

張鍾靈

第一區區長

楊暄

第二區區長

裴懷義

第三區區長

劉漢英



第四區區長

孫 璦

前教育局局長

李鳳儀

前教育局局長

楊成善

教育局局長

劉兆華

建設局局長

蘭法鄭

公安局局長

吳學祿

財務局局長

白 銘

秘書處書記

郭志鰲

第一科僱員

姜鵬舉



前第二科科长

韓贊堯

前中區區長

石毓琳



編輯者麗三劉漢鼎



和林縣志草序

地方有志所以志一方之山川政治風土人情以資治道而昭法戒也和邑當漢唐之盛或建都邑或置郡縣亦必有詳悉之載籍有宋而後地方失落人民內遷以迄明代亦少有建置清初鼎盛收歸版圖漸次開闢二百年来草昧初開漫無記載以致仁人君子未宰斯邑者每苦人地兩生難臻上理光緒中年廣昌張少珊君著有志畧草本頗詳於六政其他亦屬寥寥民國辛未重陽節奉令成立文獻會地方人士咸以縣志囑余余自量才淺學疎深謝



不敏咸謂時事日非失今不治將來更無從着手再三敦  
勸余既義不容辭勉強從事其奈採訪無人考徵無書一  
木安支大廈無末何以為炊適承中委劉守中先生調余  
赴省就寓綏遠通志館藉閱山西通志朔平府志歸綏道  
志諸書但於倉卒之間擇焉不精取焉不詳及奉調回和  
再欲詳加考徵而不可得焉是以蕪穢冗雜之處未便竟  
刪聊注闕疑以俟考查然余每執筆必秉對天地質鬼神  
之心以將事事實惟求真切著明不敢稍存偏見致失真  
像守句惟求簡捷通順不敢稍加藻飾有妨晉編務使後



之為治者有所察識於地方之情形因地制宜以期政通  
人和時雍於變此余之所厚幸也語云無徵不信無文不  
傳芻蕘之言安得備志乘之列覈實循名不過志材彙編  
云爾若夫踵事增華勒成信史則更有望於後之君子時  
在甲戌<sup>一九三四</sup>立春日稿成麗三劉漢鼎謹序

十三



6  
未  
林  
林  
爾  
與  
志  
意

卷



縣志凡例

一本志計分八綱六十四目第一卷方輿凡天然地理屬焉第二卷建置凡人為地理屬焉有天地然後民物興故第三卷先之以民事齊民莫大乎禮故第四卷次之以禮俗有人民然後有政治故列政治於第五卷政治有不逮則繼之以自治故列法團於第六卷第七卷人物第八卷雜記人物為地方之精華雜記多人民之疾苦故以是終焉

一本志全以山西通志朔平府志歸綏道志為根據互



相沿引注之有不勝其注非有意掠美所以避繁重也

一 沿革本屬建置因與古蹟相關收歸同卷為便兌證

一 地列山川上應天星昔黃帝分星畫野義和治歷明時天文地理固相關也未便舍置謹列之以備考查

一 境內山水多以東西南北為稱而無專名本志間有沿用古名如善陽嶺惡陽嶺者雖經考核然必闕疑於下以俟考正

一 山川以東南西北中為次序其山脉以行度先後為



6  
次序由東而中而北而南而西其河流以大小為次序故先紅河次白渠次金河次摩天嶺諸水

一 舊志以縣前之水為寶貝河因不知為金河而以寶貝溝命名也茲經考正仍復金河之原名考見金河條下

一 古蹟各志所載概曰在廳東在廳北云爾茲經多方考証確指其地面積若干形勢如何或有未確仍注闕疑於下

一 風景名勝舊志不載然在荒僻之處不妨聊為點綴



以引起遊觀者之雅興藉資評題

一 舊志於蒙古村名另列一表茲注各該村名下以省查兌

一 廟寺特詳縣城廟宇以及鄉間召廟其餘村各有廟概供關帝龍王姑從簡畧

一 典禮舊禮既被革除新禮尚未頒定國家無禮不立因革損益相時而制茲於舊禮未便盡刪者姑仍其舊以俟新令

一 帝紀詔勅載列卷首所以尊皇極而崇王言也往例



具在今雖時異勢殊而體例未便擅改收歸人物於  
心未安茲將帝紀數則仍列於卷首閱者諒之

一本志格式凡係綱目另列一行子目則就本行空一  
格正文頂格引證低一格案語低二格以示區別而  
清眉目







題辭

維茲和林治隸綏遠星分昴畢地列雲燕為崑崙北戒之  
真龍得日月中和之正氣粵稽古昔或立國而建京夷考  
史圖且封藩而置郡屏山帶河北卜金陵於盛樂奉天承  
運篤生元魏於雲中是乃繼天主極之都可知率土遵王  
之會山水歸垣而拱座上應紫府之樞機帝王受命而發  
祥正位黃中之湯沐爰載帝紀用考龍飛鳳舞之靈併附  
版圖足徵嶽降崧生之盛非云贊論自乖體裁畧述陳言  
俾免唐突云爾







帝紀

北魏

太祖道武皇帝名珪昭成皇帝之嫡孫獻明皇帝之子也  
母曰獻明賀皇后初因遷徙遊於雲澤既而寢因夢日出  
室內寤而見光自牖屬天歛然有感以建國三十四年七  
月七日生帝於參合波北其夜復有光明昭成大悅群臣  
稱慶大赦告於祖宗明年有榆生埋胞之次俄遂成林弱  
而能言目有光曜廣額大耳衆咸異之南部大人劉庫仁  
嘗謂其子曰興復洪業光揚宗祖者必此主也登國元年



春即代王位居定襄之盛樂郊天建元大會於牛川四月  
改稱魏王皇始元年七月左司馬許謙上書勸進尊號始  
建天子旌旗出入警蹕天興元年定國號為魏七月遷都  
平城始營宮室建宗廟立社稷追尊成帝以下及后諡號  
以土德王服色尚黃數用五天賜六年十月崩於天安殿  
在位十四年年三十九永興二年九月上諡宣武皇帝廟  
號太祖泰常五年改諡道武建元四登國十年皇始三年  
天興七年天賜六年

太宗明元皇帝名嗣太祖長子母曰劉貴人登國七年生



於雲中宮帝明睿寬毅非禮不動太祖甚奇之天興六年  
封齊王拜相國加車騎大將軍初帝母既賜死太祖乃召  
帝告曰昔漢武帝將立其子而殺其母不令婦人預國改  
使外家為亂汝當繼統故吾遠同漢高祖為長久之計帝  
素純孝哀泣不能自勝太祖怒之帝遂宮哀不自止日夜  
號泣太祖知又召之帝欲入左右諫曰孝子事父小杖則  
受大杖則避之今陛下盛怒入或不測不如且出待怒解  
而入未晚也帝從之乃遊行於外天賜六年冬十月即皇  
帝位改元永興帝禮愛儒生好覽史傳以劉向所撰新序



說苑於經典正義多有所闕乃撰新集三十篇採摭經史  
該治古義兼資文武烏在位十五年年三十二

建元三年年永興五年神瑞二年太常八年

世祖太武皇帝名燾太宗長子母曰杜貴嬪天賜五年生  
於東宮體貌瓌異道武奇之曰成吾業者必此兒也泰常  
七年四月封為太平王五月為監國太宗有疾命總攝百  
揆聰明大度意豁如也八年十一月即皇帝位改元始光  
性清儉率素服御飲饌取給而已每以財者軍國之本無  
所輕費至於賞賜皆死事勲績之家臨敵常與士卒同在



矢石間命將出師指授方畧性又知人拔士於卒伍之中  
賞不避賤刑不避親故能收統萬平秦隴翦遼海溢河源  
南夏擔荷北蠕削迹在位二十八年年四十五

建元六年始光五年神麤四年延和三年太延六年太平真  
君十二年正平二年

高宗文成皇帝名獻太武帝孫景穆太子也母曰閭氏真  
君元年六月生於東宮少聰達太武愛之常置左右魏世  
嫡皇孫既長風格異常每有大政常參決可否正平二年  
十月即皇帝位改元興安初太武經畧四方內頗虛耗帝



靜以鎮之養威布德懷輯中外在位十四年年二十六  
建元四興安二年興光一年太安五年和平六年

獻文帝生於陰山之北孝文帝生於平城紫宮後遠道志  
載茲不錄





664393

和林縣志綱目

卷首

預事諸君銜名

序言

凡例

帝紀

輿圖

卷一 方輿

疆域

和林縣志綱目

17 17 17-16 9-11 1-8 3-4 1-2



沿革

天文

地勢

山川

山脉

川流

古蹟

名勝

風景

52-54 55-51 42-49 27-41 31-36 20 28-29 27-27 12-27



卷二 建置

城池

街衢

官署

倉庫 監獄 局所

學校

邨莊

道路

津梁

鋪墩

渠堰

84-86 87 83 61-82 60 57-59 56 55

卷二 建置 目 三



廟 寺

壇 場

陵 墓

碑 坊

卷三 民事

戶 籍

民 情

土 產

營 業

87-91

95-96 | 93-94 | 92

97-98

102-106 | 100-102 | 99



生活

卷四 禮俗

祭祀

典禮

鄉俗

時序

卷五 政治

縣政

田賦

128-138, 177-

133-136

124-132

121-123

111-120

107-110



系本村爾墨...

司法

區政

建設

教育

警政

財務

稅務

雜徵

交通

193

192

191

164-190 163-

154-162

142-143

110-141 28



倉儲

卷六 法團

政黨

自治

會社

村社

卷七 人物

將才

鄉賢 附仙釋

134

195

192-202 196-197 196

204-208

209

中華書局影印 卷首 四



職官

世職

鄉宦  
勳蓋

篤行

選舉  
畢業

壯士

烈女

藝術

卷八  
雜記

236

237-238 239-240

248-250

221-227

218-220

217

210-216



藝文

金石

軍事

匪禍

饑荒

賑濟

變異

卷末

掌故

(和書格正序志)

257-271 256 255 254 244 243 241-242 236-240

16

古今圖書集成

首綱目

一五







和林格爾縣志草卷一

方輿

疆域

和林格爾縣治 在綏遠省治南一百二十里黑山之陽

金河北岸審定輿圖經綫西五緯綫四十一

案清初設台站兵二十名因名二十家子蒙語謂二十曰和林謂家子曰格爾設官時遂以為名

東西廣一百七十里南北袤一百八十里面積三萬六千

方里



東至西溝門涼城縣界一百里至涼城縣治一百六十里  
西至缸房溝托克托縣界七十里至托克托縣治一百三  
十里

南至殺虎口山西右玉縣界一百二十里至右玉縣治一  
百四十里

北至一間房歸綏縣界四十里至歸綏縣治一百二十里  
東南到大坡底涼城縣界九十里

西南到庫倫圖清水河縣界六十里到清水河縣治一百  
四十里



東北到黑炭板申歸後縣界八十里  
西北到馬群爾托克托縣界七十里

### 沿革

唐朔方幽都地。漢屬并州。夏禹貢冀州。商封同姓代子國。周  
要服。春秋屬晉。戰國屬趙。秦屬雲中郡。漢分雲中郡東  
北部置定襄郡。治成樂。兼有武進。定襄。沃陽諸縣地。晉為  
代北都。曰雲中。北魏雲州。盛樂郡。隋定襄郡。大利城。唐振  
武軍節度使。單于大都護府皆治金河縣。遼改金河縣為  
振武縣。金省縣為鎮。屬富民縣。元平地縣。明玉林衛。雲川



衛後為土默特所駐牧清康熙中置站曰二十家子雍正  
十二年設和林格爾協理筆帖式乾隆元年改為協理通  
判隸山西朔平府六年改隸歸綏道二十五年裁崑都崙  
協理通判隸其地為蒙民理事廳光緒十年改為撫民理  
事廳民國元年改廳為縣改通判為知事十七年改縣署  
為縣政府知事為縣長隸綏遠省政府



沿革表

漢 定襄郡治成樂 武進西部都尉治莽曰代蠻 定襄莽 曰著武 沃陽隸雁門郡

後漢 成樂 武進建武中封趙慮為侯國 定襄

魏 成樂甘露二年拓跋力微居此即成樂也

晉十六國 代北都雲中永嘉四年倚廬封代始築城建都咸康四年力微裔孫段根槐築新城於故城東南十里明年其弟什翼健即代王位於故城南八里築城都之名曰雲中太元元年為苻秦所併國分為二河以東地屬劉庫仁

北魏 齊 雲州 成樂郡登國元年逐劉氏復故地天興元年徙都平城乃改立雲中郡後改為鎮置朔州以統之孝昌後改為雲州改鎮曰成樂郡仍同治領郡二縣 四成樂郡領歸順遠安雲中郡領延民雲陽

隋 定襄郡高祖四年突厥沙鉢羅可汗居此十八年又築大利城以居其子啓民可汗後自榆關徙雲州總管府治此去業初府廢改郡縣 大利



唐

五代

振武軍天寶四年置振武軍於東受降城乾元元年升軍為節度自受降城移治金河 單于大都護府麟德元年改雲中都護府置領突厥府州後罷開元八年復置乾元元年於府置振武軍節度兼領都護會昌四年併於安北都護府金河中貞觀初置雲州及定襄縣十四年郡縣並徙以唐突厥復置單于府於此天寶四年始於府內置縣乾元初並為振武軍治隸關內道

遼

振武 本生河縣改置隸宣州其振武軍徙朔州不在境內

金

富民省振武縣為鎮入焉

元

平地本名平地畏兀元二年省入宣州三年置縣隸大同路

明

玉林衛 雲川衛 並隸大同都司永樂元年並徙置北直畿內宣德元年復置正統十四年徙玉林於大同右衛為右玉林衛徙雲川衛於大同左衛為左雲川衛地遂廢為蒙古所據

清

雍正十二年置和碩爾協理等帖式乾隆元年改通判廳



民國

和林格爾縣

山西通志沿革和林格爾廳要缺繁疲難古定襄郡所

在也漢高帝十二年分雲中郡東北部十二縣置定襄

郡今廳為成樂縣武進縣

莽曰

定襄

莽曰

三縣南境兼得雁

門郡之沃陽縣地其西部都尉治武進立廳東成樂則

郡所治即今廳北二十里之古城也後漢郡徙治善無

省沃陽以三縣改隸雲中郡健武中封趙慮於武進為

侯國漢末郡縣並廢魏甘露二年拓跋力微始居盛樂

也晉永嘉四年力微孫倚盧封代始築城為代北都威



康四年力微裔孫翳槐又築新城於故城東南十里明年其弟什翼捷即代王位仍於故城南八里築城都之名曰雲中太元元年為苻堅所併國分為二自河以東屬單于劉庫仁道武登國元年遂劉氏復故地天興元年改代曰魏徙都平城而以故都為雲中郡復改為鎮立朔州與鎮並治孝昌之亂改曰雲州置盛樂郡領歸順還安二縣為州治而以其西四十里之雲中宮為雲中郡領延民雲陽二縣永熙中寄治并州界在今文水縣北齊於此立紫河鎮隋開皇四年為突厥沙鉢略可



汗所居十八年又築大利城以居其子啓民可汗自榆  
林闕徙雲州總管府治之大業初府廢改州為定襄郡  
立大利縣為郡治隋末郡縣並廢唐貞觀四年平突厥  
分其部左置定襄都督府右置雲中都督府仍於此置  
雲中及定襄縣十四年徙治故北恒州即今大同府也  
其年復立突厥阿思摩為可汗達牙故城尋罷麟德元  
年更名雲中都護府為單于大都護府來治垂拱二年  
府廢為鎮守使所領突厥府州並僑治朔方境開元中  
改單于鎮守使為單于大都護府天寶四年置金河縣



於府內以隸朔方節度屬關內道乾元元年置振武軍  
節度使領都護府及麟勝二州會昌初罷領都護府天  
祐十三年地入於遼軍徙朔州遼改金河為振武縣隸  
豐州金省入州治之富民縣為鎮元玉元三年置平地  
縣於今廳南隸大同路明洪武中廢二十六年置玉林  
雲川二衛隸大同都司永樂元年徙置北直畿內宣德  
元年復置正統十四年徙玉林衛於大同右衛徙雲川  
衛於大同左衛其後為土默特部駐牧 國朝康熙中  
置站曰二十家子蒙古語和林格爾也乾隆元年設協



理通判治之六年隸歸綏道二十五年改理事廳光緒  
十年改為撫民通判廳編戶未設里甲分為八路凡二  
百二十八村

卷之六  
四十一  
六







宿 昴

天文

天譏




天阿

月 昴宿

天陰




天苑





宿 畢



二圖仿豐鎮縣志



昴畢分野

史記列國分野趙地昴畢分野西有太原定襄雲中五

原上黨等郡大梁之次於辰在酉歲曰作靈

又昴為髦頭胡星衆星明與大星等主水跳躍主兵動

又常於庚申日候北斗第九星以占其地之祥

北極高偏度

高	四十度	三十分	比綏遠低	十九分
西偏	四度	四十三分	比綏遠少偏	五分

節氣比綏遠早處



早一刻四分十二秒

攝氏溫度表平均度數

冬至 度 夏至 度 春分 秋分

日出入早晚晝夜長短

節氣

時刻

分

時刻

分 晝刻分 夜刻分

冬至 辰初一 十二 申正二 三 三十六 六 五十九 九

小寒 大雪 辰初一 八 申正一 七 三十六 四 五十九 一

大寒 小雪 辰初初 十三 申正三 一 三十八 四 五十七 十一

立春 立冬 卯正三 十四 酉初初 一 四十二 五十五 十二



雨水霜降 卯正二

十 酉初一 五 四十二 十五十三 五

驚蟄露 卯正一

五 酉初二 十四十五 五十五十五

春分秋分 卯正初

酉正初 四十八 四十八

清明白露 卯初二

十 酉正一 五十五十四十五 五

穀雨處暑 卯初一

五 酉正二 十五十三 五十四十二 十

立夏立秋 卯初初

一 酉正三 十四 五十五十三 四十二 二

小滿大暑 寅正三

二 戌初初 十四 五十七十一 三十八 四

芒種小暑 寅正二

七 戌初一 八 五十九 一 三十六 十四

夏至 寅正二

三 戌初一 十二 五十九 九 三十六 六



比後遠冬  
至

早 一 遲 一

夏 遲 一 早 一

日出入前至早晚矇影差

冬 至 春秋分 夏 至

六刻十四分六刻六分八刻十一分

日高弧

日餘弧

冬 至

度 分 秒

度 分 秒

二十六四

六三六



春秋分

四十九

三三

四十七

夏至

七三二

一六五八

節氣晷影長短表

直表一丈午正影

橫表一丈午正影

節氣 丈 尺寸 分 釐

丈 尺寸 分 釐

冬至 二〇七八

四八一三

小寒大雪 二〇〇一七

四九九六

日表各節氣晷影長短表

天文

一〇



大寒小雪 一八〇四四 五五四二

立春立冬 一五五〇六 六四五二

雨水霜降 一二九四三 七七二六

驚蟄寒露 一〇六二五 九四一一

春分秋分 八六三七 一一五七二

清明白露 六九七五 一四三五一

穀雨處暑 五六一七 一七八〇二

立夏立秋 四五四七 二一九九五

小滿大暑 三七六四 二六五六四



芒種小暑 三二八四 三〇四五三

夏至 三一二一 三二〇四一

冬至通夜更鼓定時中星表

時刻分秒 中星偏東 度分秒

初昏酉正一 壁一 西二七一九

起更酉正二 奎一 東一四九五一

二更戌正二 胃一 東四四一五

三更亥正二 畢一 西六五三一

四更子正三 天浪 南河 東西 九四一六六



五更寅

初初四

四八

柳一  
七星二

東西  
四八

二〇  
二九三八

攢典卯

初初三

翼一

東四

三五  
五二

平旦卯

初二四

中帝座  
星

東西

六三  
三三

夏至通夜更鼓定時中星表

時刻分秒  
中星偏東度分秒

初昏亥

初二〇

大貫索  
星

西二

二八  
二六

起更亥

初一三

房一

東六

三三  
五三

二更亥

正一〇

心一  
尾一

西二  
東四

四八  
三二  
二〇  
九

三更子

初一八

帝座

西三

二七  
五五



四更子 正一 六 二 四  
箕一 南斗一 五 六 四 一  
東 四 一 九 五 五

五更丑 初 一 四 一 二 河鼓大星  
東 六 三 二 一 三

攢典丑 正 一 二  
牽牛一 天津大星 西 三 〇 一 九  
東 五 七 五 九

平旦丑 正 二 五  
接女一 東 一 三 九 二 七  
望節錄山西通志

### 地 勢 關 隘 附

背倚陰山左襟長城右帶黃河與管涔山同幹異支於山

則南有紅山北有黑山中為東西摩天嶺於水則紫河盤

於南白渠繞於北金河橫貫其中東接幽燕西通陝甘南

屏三晉北控蒙藩洵紫塞之重鎮境內東南多山西北多



川山水西向趨於黃河山則火成岩居多片石岩次之厥  
土白壤間以赤埴溝壑之間多露煤炭硯道

案縣北十五里東溝子至胯子梁數十里多有前代  
開採炭礦遺蹟復徑考驗無疑前清末及民國十  
三年以地方公款開探二次皆因兵匪騷擾未竟成  
功

長城 在紅林山上東南起殺虎口西北接清水河界在  
境內長凡百里

朔平府志綏遠南境長城趾起清水河之北緣紅山而



東跨和林寧遠南直抵宣鎮北者隋大業之所築也

殺虎關 縣治東南一百二十里

二分關 在殺虎關西

暗門口 在二分關西

雲石口 在暗門口西

大殺口 在雲石口西

七墩口 在大殺口南西北接清水河界此皆大邊關口

行旅出入稽徵稅課惟殺虎關為東西孔道餘皆山路崎

嶇不通車馬

29



二道邊 東南起東圪針溝西北至大西溝長凡七十里  
東段南與大邊相隔十數里西段與大邊相隔三十餘里  
圖說和林格爾廳西土牆西接清水河界南抵殺虎口  
邊長七十里黑台子村在廳治西南六十五里牆繞榆  
樹梁而南二十餘里為大西溝又十餘里為泥河並有  
水口其水皆西流入清水河又十里為七墩又十五里  
至井爾溝又十里抵殺虎口西之大水口與邊牆接  
歸綏識畧長城考隋文帝七年發丁男百餘萬築長城  
西踰榆林東至紫河



山川

東鎮芒牛山 在縣治東八十里起祖出峯高六七里盤踞數十里羅城周密上有廟焉

東川 白渠水出焉川廣五里長八十里

南鎮聖山 在縣治南百里紅林山上突起方石峭直數十仞為南山之祖廟祀火神

南川 即江河川廣十數里長百五十里

西鎮摩天嶺 在縣治西南六十里南北亘百里

朔平府志摩天嶺在黑城東高五里盤踞二十里



西川 縱橫數百里一名土默川

北鎮神山 土名惱包山在縣治北五十里盤踞數十里  
羅城完整北向迤邐土梁數層直達雅達牧

金史地理志豐州富民縣有黑山神山

北川 即白道川也

中鎮黑山 在縣治東二十里縣龍祖山東與南天門相  
接山陰有李衛公廟久廢

魏書神麩二年車駕東至黑山數軍實

中川 即金河所經



山脉

自滿漢山入縣境東盡石匣子溝即參合陁西盡茶房溝  
由芒牛山起祖前後壩過峽起東西浮石山左臂屹於水  
與溝右臂連起侯山紅草山松山將軍梁諸山頓起摩天  
嶺復蜿蜒西北迤大東山南天門迤九峯山而止此東鎮  
諸山脉也

一由南天門西向發脉三支一起天王山獅象山一起黑  
山開羅城而結縣治一起哈達哈少山西迤跨子梁而玉  
土城子此中鎮諸山脉也



一由九峯山發脈至神山起祖過峽起塔爾梁圍一大羅城  
右臂屹於中二十家子為門戶左臂迤邐南行屹於王帽  
山餘脈二支一北行迄於雅達牧一西行至四俱牛窰等  
處此北鎮諸山脉也

其中幹自摩天嶺起伏頓跌而至老爺壩過峽西行南起  
劉科窰合只蓋諸山北起元山子由小廠圪洞過峽起西  
摩天嶺絕黃河而達於準噶爾是為緣胡嶺其摩天嶺西  
衍為平陽一望百里至托克縣托此西鎮諸山脉也

其南部諸山係由滿漢山分支繞右至威遠而至平魯之



武州山頓起聖山作祖西連紅山而達於黃河東岸東連  
榆樹梁而達於殺虎口其白坡梁千佛崖雞山紅台子及  
南十二里諸山屬焉

東鎮芒牛山所領諸山

崑都崙 在鎮山北十里

案崑都崙有二此係現今村名其一在鎮山南報馬  
房子川即第一台站東路崑都崙也今名萬家村清  
雍正十二年設協理筆帖式乾隆六年改設通判二  
十五年裁通判留巡檢隸和林格爾嘉慶十四年裁



巡檢駐包頭今該村有石碑記其事

淡蘭山 在鎮山北十餘里係滿漢山之別支有峯如雞  
一名雞山

兩澗山 與淡蘭山相連東與侯家梁相對為西溝向西  
與塔爾梁相對為中二十家子溝口白渠水出其經

東浮石山 在鎮山南東屹於永興濟南迤二十餘里至

下愷亥有佛廟建於山麓

詳清  
林寺

西浮石山 與東山相連南落平原疑為元平地縣所在  
也



侯山 在鎮山南渾津溝山高且大多林木相連有紅草

山

將軍梁 在侯山西

摩天嶺 在鎮山西為諸山之領

舊志摩天嶺在廳東四十里路通寧遠坡阪陡峻行人  
仰陟而登不能乘馬

天東山 在摩天嶺北有前後石門寶貝溝鵬窩崖諸山  
魏之虎山當即指此

魏書帝紀道武始皇元年正月大蒐於定襄之虎山因



幸善無北陂

南天門 在縣東五十里為東川中川之要隘

九峯山 在茶房溝白渠水西岸九峯聳秀東與淡蘭山

相對

山西通志山川考東盡黃水之曲曰九峯山

案黃水出西溝門此係白渠水考誤

案九峯山有二一在縣東十五里九峯環列各迤土

岡名九龍灣

中鎮黑山所領諸山

大王山 在九龍灣北



獅象山 東連大玉山形如獅蹲象伏

神泉山 在大窩舖山前有神河泉為禱雨取水之所

舊志光緒四年旱既太甚通判豫親至山前取水未及  
回城而甘雨至

哈達哈少山 譯名山峯山咀與黑山相連山勢層巒疊

障勢甚雄偉為土城子起祖發脉處古稱狼山或即在此

朔平府志狼山在歸化城南一百二十里蒙古名綽農

### 圖哈喇

勝子梁 在哈達哈少西有前代開採炭礦遺址平梁教



十里西連東溝子為大好礦場

北鎮神山所領諸山

塔爾梁 在神山北土岡重疊北至雅達牧二十餘里現  
有石獸五蹲碑塔一座傍近有古松數十株或即元魏金  
陵之故蹟志稱托里岡者未考是也

山西志輯要托里岡在歸化城南百里

五帽山 在神山西南為北鎮西障形如五帽

善陽嶺 在神山西四棋牛窰東西亘十數里隨村為稱  
無專名



胡氏曰善陽嶺在白道川南

西鎮摩天嶺所領諸山

衙衙壩 即老爺壩形如衙衙

朔平府志衙衙壩在歸化城東南二百里高五里圍十  
數里

小榆樹梁 在老爺壩南相近有香爐山馬鞍山形極相  
似

惡陽嶺 在劉科窰合只蓋等村

唐貞觀四年李靖討突厥自馬邑進屯惡陽嶺夜襲定



襄破之胡氏曰惡陽嶺在定襄故城南

碾盤山 在惡陽嶺西上有西王母遺跡

棋盤山 在補骨兔溝門上有石鑿棋盤

黃王元山 在縣治東南十里東連九龍灣之九峯山

南梁 縣城前案起腮漢溝東西三十里南達紅城

台几崖 為西摩天嶺最高處

緣胡嶺 為摩天嶺盡處鑿山通河而達於準噶爾旗

南鎮聖山所領諸山

紅山 在聖山西今名紅林山邊牆在其上



山西通志山川考南曰紅山西盡黃河之東岸

朔平府志紅山在紅城南東接榆樹梁西抵喇嘛灣有  
紅山口又東北七十里有大紅山口三十里有小紅山  
口

榆樹梁 在聖山東

朔平府志榆樹梁在歸化城東南二百餘里府境邊外  
高三里周圍十里通平魯邊外大小榆樹灣山甚險峻  
多榆樹

尖山 在聖山東北尖山里



黑台子 在聖山西北

東磐山 在聖山西再西至清水河縣界為西磐山

按水經注有槃迴城水南流注太羅河今三波羅村  
有故城遺趾未知是否

玉林山 在玉林城東

明史地理志玉林衛東有玉林山

大松山 在玉林山東

白道梁 土名白坡梁在殺虎口邊外

山西通志山川考湖紅河南直達殺虎口邊有玉林山



大松山白道梁

千佛石崖

在佛爺溝

詳見名勝

七嶺山 在佛爺溝南

魏書帝紀元明永興五年自雲中太室南巡次定襄之

大洛城東踰七嶺山田於善無川

紅台子 在白坡梁南

雙台子 在紅台子西相近有黃羊山鐘樓山

雞山 在雞鳴驛南

相傳每晨有雉鳴羣雞響音應

川流



和州府志卷之六  
境內大川以紅河為最東南起殺虎口邊牆西至摩天嶺  
長一百五十里南有紅山榆樹梁北有元山惡陽嶺為縣  
之南川

其次白渠水南起浮石山北至古城窰二十餘里東有芒  
牛山西有摩天嶺為縣之東川由茶房溝至段家園子六  
十里東有淡蘆山西有九峯山溝澗逼窄出口西北流百  
數十里入黑河為縣之北川即白遺川也

其次金河舊志名寶貝河東有摩天嶺諸山發源匯流於  
九龍灣西至石灰窰二十餘里南有元山北有黑山北流



三十  
五十里至忽洞兔東有善陽嶺諸山西有西摩天嶺諸山  
右臂入西流入壘河泊即沙陵湖為縣之中川即壘河川  
也其西摩天嶺所出之黃花台几古爾什達賴營布袋濟  
甲賴爾諸水皆西流數十里泊於灘所謂湖灘河朔也  
水徑注黃河又東南迆湖灘河朔紫河水自東來注之  
南川紅河所匯諸水

紅河 一名紫河蒙古名烏藍木倫即古中陵川水其源  
發於涼城縣境內流迆廠汗營匯右玉之兔毛河及紅台  
子蔡木背所出之樹顏二水北流數十里至三十二村受



牛龍  
入黃河

清水河至玉林城出口西行至海流屯受太羅河西迤大  
小红城北受駱駝溝水紅沙口水白彥不浪水窟窿兔水  
南受三波羅水西南流迤石壁受古力半濟河下流至喇  
嘛灣入黃河

山西志輯要紫河在歸化城南一百八十里蒙古名烏  
藍木倫即古中陵樹頽二水也源出察哈爾西南境西  
流至殺虎口北合邊內之兔毛河又西至烏藍巴爾哈  
孫城西入黃河

水徑注中陵川水自枝津西北流右合一水於連嶺北



39  
水出沃陽縣東北山下北俗謂之烏伏真山水曰詰升  
袁河西南流迤沃陽縣左合中陵川又河水又南樹顏  
水出東山西南流右合中陵川水

樹顏水 一由紅台子發源一由後蔡木背發源至九龍  
洞匯流入紅河

清水河 在永興溝由石匣溝左右諸山發源匯流至三  
十二左入紅河

太羅河 由韭菜溝羊山發源迤海流屯玉石咀子右入  
紅河



駱駝溝水 由元山子前後中水泉發源匯流至紅城東門左入紅河

三波羅泥河 一名烏藍胡爾哈孫河由七墩口發源流至哈爾兔灣右入紅河

紅沙口子水 由台几崖發源流至三枝樹左入紅河

白彥不浪水 由摩天嶺發源行迳白彥不浪合惱木兔水至一間房左入紅河

窟窿兔水 由摩天嶺發源流至窟窿兔左入紅河

古力半濟河 由紅林山發源流至石壁右入紅河



東川白渠所滙諸水

白渠水 發源於浮石山下北流迺古城窰西受水磨溝水又北迺茶房溝東受崑都崙水至前公喇嘛出口西流迺後公喇嘛南迺達牧愷木七台北西迺什拉五素南受北水口水西南入黑河

水徑注白渠水出塞外西迺定襄武進縣故城北又西迺成樂城北又西迺魏雲中宮西流入黑河

水磨溝水 由南天門山發源流至水磨溝入白渠水

崑都崙水 由強磬山發源滙左右諸山水入白渠水



北水口水 由台格斗發源西北流迤四棋牛窰至紅窰  
子出口西北流迤板定板申至沙爾沁北入白渠水

黃水河 由西溝門及東溝門二水合流北迤北倒拉板  
申至黑炭板申入歸綏縣界西流迤什拉五素村北又西  
入黑河

中川臺河所匯諸水

金河 發源於摩天嶺前後老爺壩不浪溝諸山北流迤  
五松途路受補骨兔溝門水北迤九龍灣受寶貝溝水西  
迤縣城南又北迤石咀子受濛水迤土城子公布營子受



沙忽浪水西通巧爾什營討速斃入金河泊

寰宇記金河水郡國志郡有紫河鎮內有金河水金河  
濛水秋冬常有暖氣濛然故以為名在金河縣東南

隋煬帝大業三年親巡雲中溯金河而東北幸啟民所  
居

補骨兔水 由摩天嶺發源西通陳蘆郭家窰至補骨兔  
溝內入金河

寶貝水 由南天門發源西通大窩鋪兵達營寶貝溝匯  
流至九龍灣入金河



濛水 由天漢窰發源西迳哈達哈少受黑山頭二三道  
溝水至石咀子入金河

沙忽浪水 由神山九峯諸山發源匯流至雙廟子由沙  
忽浪出口西流入金河

西川摩天嶺所出諸水

黃花台几水 西流迳韭菜溝舍必崖蘭家窰蘭家房與  
本村五村按年輪流引用灌地

古爾什水 西流迳水口村灌地

達賴溝水 西流迳東營子灌地



布袋溝水 由台几崖發源西流迺董家營柴六營泊灘  
甲賴爾水 本村灌地

案山西通志山川考誤以黃河即白渠以黑河為金  
河又曰金河為黃白黑諸河之統稱而後乘以訛傳  
訛遂致金河失名茲謹考正如前

古蹟

成樂縣城 秦置在今縣北土城子

定襄郡城 在縣北二十里土城子城周十六里其內四  
內城二百五十步見方東南隅有營壘遺蹟即成樂城也



方輿紀要定襄故城在今朔州北三百八十里其地南  
大河北白道畜牧廣衍為龍荒之最壤

史記漢高六年立定襄郡治成樂又高帝十二年析雲  
中東北部十二縣置定襄

山西通志案定襄郡縣異治東漢郡徙而縣存漢末並  
廢魏武併郡屬五縣合為一縣隸新興郡為今定襄立  
縣之始隋大業復古郡名唐貞觀復古縣名或廢或徙  
而大同之名定襄至太宗庚子至高宗癸未不四十年  
而亦廢



武進縣城 在古城窰距縣治大路由公喇嘛一百五十里小路由南天門八十里

水經注白渠水出塞外西迤定襄武進縣故城北西部都尉治王莽更名代蠻世祖建武中封趙慮為侯國也  
寰宇記武進故城在雲中縣東一百四十里漢西部都尉理所也

水經注沃水東迤參合縣南縣北十里有西部都尉城  
北俗謂之阿養城

定襄縣城 所在未確



歸綏志畧定襄郡屬縣定襄城在和林格爾廳東

案今古力半村有故城卽墟未知是否

蘇武廟 在白旗馬廠將軍廟

山西志輯要蘇武廟在歸化城南平魯衛西北又云在右玉縣北四十里

盛樂郡 見前

魏書甘露二年拓跋力微始居盛樂卽成樂也

雲中都城 在今縣北十里南園一帶

魏書什翼健卽代王位仍於故城南八里築城都之名



曰雲中

雲中郡城 與都同城

魏書天興元年改代為魏徙都平城於故都置雲中郡  
在漢成樂城南八里後改為鎮仍於治所立朔州以統  
之圖經云雲中城周十六里北去陰山八十里南去通  
漠長城百里

土地記雲中郡治成樂一名石盧城又雲中故城東八  
十里有成樂城今雲中治一名石盧城也

朔州 與雲中郡同城



雲中宮 在縣西北代州窰村金河北岸北距白渠水數里故址百步見方癸酉歲夏李該村循故址建築土圍掘得石門陶瓦水道鐵斧諸物傍近又有故城遺址待考

水經注白渠水西北逕成樂城北又西逕魏雲中宮

地形志孝昌後改雲中鎮為雲州仍治盛樂置盛樂郡領歸順還安二縣為州治而以其西四十里之雲中宮為雲中郡領延民雲陽二縣

雲中太室 在今東營子村南麻黃圪洞有遺蹟

歸綏識畧雲中太室在和林格爾廳西



大洛城 左新店鎮或即漢太羅城

魏書帝紀元明永興五年帝自雲中太室南巡次定襄

大洛城東踰七嶺山田於善無川

後漢書建武二十五年置武縣左善無西一百五十里

俗謂之太羅城

雲州 治左盛樂

歸綏識畧雲州本雲中鎮左和林格爾廳

地形志雲州舊志朔州

本漢定襄郡魏初所都之盛樂後為雲中鎮又置朔州

大利故城 左縣治北十里



隋志突厥初居白道川沙鉢畧可汗徙於紫河鎮開皇  
十九年改立其子突利為意利珍定啟民可汗於朔州  
築大利城以處之大業初廢雲州總管府置定襄郡治  
大利縣有長城有陰山有紫河大業三年帝親巡雲中  
溯至河而東北幸啟民所居

歸綏識畧定襄郡治大利城即古雲州也

歸順縣 治在盛樂

還安縣 治在盛樂

雲陽縣 今布袋溝村北有故城邱墟未知是否



延民縣 所在未確

紫河縣 在小红城

隋初沙鉢略可汗入貢還至紫河鎮牙帳為火所焚是也

歸綏識畧紫河鎮在和林格爾廳南

參合陁 由殺虎口至西溝門八十里俱為之參合陁陁以東為涼城界陁以西為和林格爾界一曰參合波

山西志輯要朔平府倉鶴陁古參合口即今境郡出口之道也



魏書拓跋珪大敗慕容寶於參合波即此

木虎關 由東川徑中二十家山口為古木虎關亦甚險

要

歸綏志畧木虎關在崑都崙溝北宋高旺嘗過此關一  
名哈達木耳口

單于大都護府 在土城子

唐志麟德三年改雲中都護府置單于大都護府即漢  
定襄郡之成樂縣在陰山之陽黃河之北後魏所都盛樂  
縣也



單于府開元寺 在府南金河南岸今有天然石洞上鑿

菩薩像現今壬申歲得碑破一對尾鑿單于府開元寺故

大德悉達多禪師謁銘並序攝節度掌書記前鄉貢進士

李逢吉譔癸酉夏復得唐浩誠禪師碑銘並序其徒李從

製撰文碑破俱存文獻  
會文詳後金石

振武軍節度使領都護府及麟勝二州

唐志天寶四年置振武軍於東受降城乾元元年升軍

為節度移治金河縣本後魏道武所都盛樂縣有雲伽

關



李衛公廟 在黑山之陰

宣寶志黑山之陰有衛公廟寶歷中張維清都護單于  
其從事盧立嘗夢一人頰長黑衣告曰吾居於衛公廟  
且久矣子幸遷我於軍城已而遂去立白於維清曰衛  
公於國有大勲今廟宇墮殘隋本颺濡且甚宜新其土木之  
制維清喜而重修焉併勒石以誌之碑文係高鉞撰

金河縣 在縣北二十里土城子

元和志振武軍金河縣漢成樂縣也

唐武德四年於此立都督府遂立此縣北有金河以為



邑稱

山西通志案隋生河縣屬勝州在古雲中郡近生河泊  
與此異地

振武縣

遼志改生河縣為振武縣隸豐州

雲川縣 在大紅城

金志雲內州有雲川縣

富民縣 在中二十家子一帶所在未確

平地縣 在玉林城北五六里待考



方輿紀要元年平地縣在大同西北五里東有石碌山

按石碌山在今涼城縣東南

元志平地縣本名平地裊

雲川衛

在大紅城城垣俱存周圍十里

水道提綱雲川衛在烏藍巴爾哈孫城

歸綏識畧九邊圖雲川衛在鎮魯衛東黑衛為鎮魯衛

紅城當是雲川衛矣

明志雲川衛東距行都司三百一十里西距黑城六十

五里



山西志輯要在歸化城西南明初設衛宣德元年於宣  
州西南築城後徙於大同城內

玉林衛 在玉林城城垣俱存周圍十里

明志玉林衛東距行都司二百四十里南距殺虎口三  
十五里

又正統十四年徙玉林衛於大同右衛為右玉徙雲川  
衛於大同左衛為左雲。

山西志輯要玉林故城在殺虎口外西北三十五里明  
初建築後棄於外城垣尚存



營盤梁 在紅河南沙鉢二號有營壘遺蹟相連數十里  
平沙無垠荒涼不毛或係古戰場時有人馬枯骨介冑兵  
器發現其間

興國寺 在小红城民國二十年冬月發現一石櫃方廣  
二尺長三尺內藏壺瓶香料等事又有方不及寸長二寸  
許齒牙一枚又方廣四寸厚二寸許疊積九層似牙非牙  
似石非石一枚又畧似獸掌五瓣相併方廣二寸厚七分  
甲灰色堅如石中夾一層色紅質鬆俱不識為何物現在  
教育局保存石櫃上鐫興國寺首座沙門功德主天會十



五年五月五甲等字剥落不可辨識

名勝

土城子 為後魏都城皇城周十六里皇城見方二百五十步城垣俱存有梅山石獸

聖山 南鄉二道邊於紅山上突起方石峭直數十仞巔平畝餘有泉成池不涸有廟祀龍神大神為縣南鎮

山其下有十三邊

相傳築邊時欲圍於內甲  
圖乙出特開化於邊外

千佛石崖 東鄉佛爺溝山岩層疊佛像天成外面剥落  
內亦如之雖土塊皆成佛像



歸後識畧佛爺溝千佛石崖土塊皆佛像

張少珊舊志千佛石崖廳東南八十里佛爺溝佛像層  
列不知何年所鑿巖下係孔道行人瞻望輒生敬仰蒙  
俗最重禮佛昔人鑿佛像於石壁正當近邊衝途其有  
深意存歟

榆林子 雅達牧村南有榆樹一林高僅丈餘頭皆西北  
傾枒杓奇異有廟祀閼帝其地巖厲遊人戒焉

魏書帝紀道武皇帝名珪昭成皇帝之嫡孫獻明皇帝  
之子也母曰獻明賀皇后初因遷徙遊於雲澤既而寢



因夢日出室內寤而見光自牖屬天歎然有感以建國

三十四年七月七日生帝於參合陂北其夜復有光明

昭成大悅群臣稱慶大赦告於祖宗明年有榆生埋胞

之次俄遂成林

詳見帝紀

舊志廳北五十里地多榆樹形如古松虬枝龍幹約二

百餘株清聖祖仁皇帝北幸歸化道徑此地因救駕而

特封者至今空心古樹尚在

相傳聖祖仁皇帝隨幸歸化朋素召隨駕將軍費揚古因活佛傲慢斬之各召喇嘛聚眾

謀劫駕望見榆林揚塵而至疑為救兵遂不敢發而皇帝適避於此費揚古失皇帝所在遂自刎而死歸後至今有祠祀之

松柏成林

在塔爾梁後蒼松數十株

相傳下有聚寶盆其樹不能悉數



魏書帝紀太祖元年營梓宮木杪盡生成林

九龍灣 在縣治東十五里山有九峯各迤土岡盤聚一

處名九龍灣山亦名九峯山

山西通志康熙三十五年西征葛爾丹師次歸化城駐

蹕崇福寺十二月初七日由歸化城入口駐蹕九龍灣

初八日駐右玉將軍府

九龍洞 殺虎口長城鑿石為龍口者九紅河水由龍口

吐出謂之九龍洞

山西通志右玉縣長城萬泉河橋東西長五丈中設甕



門九窰十八洞首尾各建磚樓一座今半圯

七星堆 在東營子蒙古名烏拉突立亥譯語七圪堆也  
形如北斗高可二丈圍各數十丈陰雲之夜發光如炬鄰  
村相望雲中太室在其南

喇嘛洞召 在東鄉下惱亥為康熙所勅建者名清林寺

有坐佛多尊鐵樹一株甲兵教事

相傳清聖祖仁皇帝西征高爾丹  
凱旋回獵逐鹿至此頓失踪跡惟

有喇嘛跏坐誦經聖祖奇之遂勅  
建寺而卸甲焉民國二十年被灾

### 風景

仙臺山水 縣城東門外石站灣平地突起巨石磊磊落



落有如龍蟠者有如虎踞者有如獅蹲象伏者如龜如蛇  
不可名狀半山有石如臺可容對奕名奕仙臺其陽摩崖  
鐫乾隆年修路記一方下有平石方可六七丈圍牆三面  
高三四尺不等名王母坑登臨其上高下山水一覽皆收  
十字流水當面來朝田園歌聲響徹山谷花草秀氣香惹  
衣襟更當秋水長天朝陽夕月上下星斗同輝遠近虹霞  
莫辨觸目盈耳真有應接不暇之勢來興而來興盡而返  
不足供雅人之憑眺也

端墅林泉

縣城北門外端墅梁後三山開面四水會流



紅楊綠柳迎朝日以爭妍大海小泉夾清溪以掩映對對  
鴛鴦浮水行行鴻雁飛鳴沿阡陌以步武偕昆仲而行歌  
瓜田李下小憩一時心曠神怡是誠別有天地渾忘塵世  
之囂擾也

元山滄翠 縣城外巽方山名元山圓峯凜凜東連仙橋  
每當雨霽煙消開軒臨面翠屏寶幃清雅宜人

金水流光 縣前生河由章蓋營曲曲灣灣當面流來如  
以斜陽映射皓月當空登高眺望滿川金龍清光大未繞  
城半周轉向北去山輝川媚靈秀佳勝



案和縣南有紅河北有黑河東有清河西有白渠統  
歸黃河金河貫中亦天然中正之地也

龍泉禱雨 縣東三里龍泉溝石上流泉僅可容瓢下有  
清潭數十丈禱雨輒應光緒十七年通判張禱雨霑足額  
其廟曰龍泉祠二十六年通判毛宣統二年民國十三年  
所禱輒應

石壁凌雲 東山潘家蓋地方北向高山南向石壁數十  
百仞峭矗凌雲時有野鳥飛鳴其上如告諭人者亦極其  
大觀也



長塘金鯉 西鄉舍北崖有活水池塘長三里許水族甚  
蕃金甲鯉魚有長至尋常者漁人網得異類輒仍縱而逝  
焉壬申年初冬網得一魚鯉其鱗而生其尾鬚長逆尺甲  
放紫色色光芒耀日衆咸異之漁人不敢舉因復縱之且  
祭之以羊焉

濛澤玉虹 縣北六里濛水一名雲澤西南流入至河平  
泉繁衍暖氣濛然每雷雨霽雲飛彩虹重疊爛縵光華久  
而後消

秋林紅葉 城西五里二道河山水迴環森林茂密秋霜



甫徑朝陽斜照四望黃田半林紅葉花帷錦幃富麗矣如  
真天開美景也

春雪頒山 環城多山東南尤峻春雨如酥川草青青而  
山頭猶雪頒白陸離亦佳景也



